

南湖詩集序



弘治

元年冬

欽

以吏部文選

郎奉

上

卷

卷

卷

卷

府便

道歸宣城檢閱先考司封府君所藏先世

藏書

因據

雲林

南湖

二

集

選於京以字有舛訛請正於今禮部尚書大

學士西涯李先生越數日復請先生謂欽曰雲林集不勝

點記官具存終元之代止可讓一家或二家耳慨然許序

其端謂南湖集亦清新可傳刪其什之一俱歸於欽雲林

集已托前寧國守范君以貞刻板於宣城學宮弘治八年

冬欽以文選郎中得罪調除大名府同知覩林間梨木瘁



其顛者用是圖刻此集市材庀工一切所需俱出自已俸
任滿終當携歸宣城書塾耳其什之一臨刻不忍盡去復
存其所刪什之二三此欽之私也雲林集者七世祖元翰
林學士贈禮部侍郎謚文靖又以尚書府君貴贈禮部尚
書退封郡侯世號雲林先生故其集曰雲林此所謂南湖
集者是也高祖駕部府君之從兄諱性之字友初仕元為
閩省理官入國朝隱居越之山陰更諱悅洪武間駕部府
君與其再從兄司業府君同仕於朝屢遣舟迎抵金陵舊
館又迎歸宣城之南湖俱不樂從遂終于越門人私謚曰

貞晦其志蓋可見矣世號南湖先生故其集曰南湖時會
稽王元章善畫梅得其畫者謂無負南湖詩則不貴重故
集中多詠梅詩間錄其詩若干首於越山鍾秀集其見重
於越之士人如此無嗣一女適雒陽錨渙之子績外孫師
邵其祖子孫皆越之名儒欽外姻尊者也不記其字與號
故僭書其名理官府君欽不避干犯之罪者慮此集不朽
頌其詩者欲知其人耳此又欽之私也弘治十一年五月

十六日四代孫欽謹識

南湖集卷之一

五言古詩

兩湖燕集分韻得南字

我志在丘壑野性夙所耽
今晨適休暇樂此風日堪
而我二三友濟々皆儒藝
扶携眺西郊到處窮幽探
湖光淨澄練山色浮晴嵐
林木葉已脫梅花蕊猶緘
言瞻和靖祠荒草埋空函
載登岳王墓老樹雲相叅
眼明三竺國金碧眩精監
高歌起樵牧清梵來瞿曇
方將履夷曠尋復躡巖

宣城貢性之著

去。不知遠落日山倒。仰美人具清譙。畫舫如雲翕浮游。
六橋間。水天遙共涵。列座總才彥。丰采殊不凡。嘉肴雜前
陳。聊足飲肥甘。一觴既一詠。一笑復一譔。詩遲罰辭屢。令
促嚴過三。怡。好兄弟。蟄。佳子男。武事既已修。文理亦
頗諳。揖讓自有序。踈散徒我慙。起舞影凌亂。脫巾髻瑤瑤。
城門告下鑰。歸來扶醉酣。稚子候門笑。酒痕滿輕衫。良晤
詎偶然。和樂喜且湛。勗我賓與主。秩然盡東南。

題畫

琳館依珠樹。青山走游龍。水流疑動石。雲低不礙鐘。將尋

採芝侶。於此謝塵踪。

賦得蛾眉亭送胡長史粹中之楚

雙蛾橫翠黛。孤亭枕江流。伊人適行邁。於焉曳蘭舟。山空
夕烟歛。月白水光浮。水懷謫仙人。浩歌動清秋。風景詎不
美。公程靡遲留。明發指武昌。千里路悠悠。言泛夏口驛。過
經鸚鵡洲。王國實重鎮。屹然居上游。皇圖永萬古。輔翊在
謀猷。茲行亦已壯。毋使增離憂。

題畫鷺鷥

秋堤柳疎。秋塘荷葉枯。水淺微露石。水清還見魚。飲啄

各自適樂哉此春鋤

雲谷書房

逶迤雲谷山窈窕涇溪水山水一以靈人物遂鍾美讀書
有佳士於焉樂棲止軒窓紉晴嵐几席散圖書朝引白雲
來暮看白雲起雲來山冥、雲去山靡、泛說既有態作
雨良有以願溥澤物心天地與終始

題畫蘭竹

幽蘭產空谷無人春自芳綠竹生石間節操凝冰霜樂此
琴中調冥彼君子堂氣與質隨化歲晚同馨香采之可紉
佩不采蘭何傷

題畫

衆峯涵夕陰羣水澹秋色逶迤見古道蕭條少行客誰無
桃花源亦與塵世隔縱有扁舟來重尋恐難得

夜宿書舍

齋居頗幽敞洞然啟八窓梧影落几席密葉如青幢韋編
既滿座濁酒亦盈缸矯首青天鶴時、來一雙
齋居頗幽敞未秋先得涼青燈照良夜短檠搖素光潛心
在簡策伊吾讀琅、未究密奧理聊歌長短章

題畫

微雨歇清晝輕雲散薄陰人家隔西崦僧舍傍東林
樵漁斷行屨山水空遺音軒冕詎不貴遊塵如海深
披圖欲懷歸何由諧夙心

南湖集卷之一終



國家圖書館, NATIONAL CENTRAL LIBRARY, TAIWAN, R.O.C.

南湖集卷之二

七言古詩

送賴孝子

天兵昔渡閩海水北風吹送南船起
建瓴破竹不諸城貌
貅百萬紛如蟻一時玉石難具分
賴母被虜隨官軍倉皇
子母各離散含羞恐垢
依轅門兒心念母無休日
母憶兒
孤恨何極天高地厚兩茫茫
存亡彼此無消息荏苒年華
二十秋母書忽報留杭州
開緘驚喜若夢寐
潛然涕淚成

宣城貢性之著

交游兄弟扶携即上道此身未到神先到見時子母各未
識生前此會誠難料誰知喜極愁轉多母髮昔黑今已皤
問兒丘壠可無恙問兒生理今如何兒聽此語仰天哭兒
今雖死心亦足兒弱猶堪負母行兒貧尚可供饘粥母名
匏繫官籍中兒將赴訴無由通上官亦復念懇切從容許
我伸愚衷檄書清晨下藩府始得賴家全子母來時臂恨
不羽翰歸路寧知有辛苦抗有義士芝塢民見此不覺含
悲辛力排患難不自惜頓使枯槁回陽春舊時茂宰重相見
遺愛尚滿清流縣賴母云是清流人推食解衣勞眷人
生至樂歸故鄉故鄉此去樂未央舊人問訊新人看東家
煮豆西煑粳我歌此詩為君戲紛々薄俗猶當勸更將二
子送君情孝子義夫同作傳

題胡貢母姑貞節卷

萬年枝頭，白鳥月明夜半聲嘶，雄飛不返鳥影孤飛
鳴辛苦悲其雛，寒慄，聲號呼雛飢噉，目待舖鳥既
不天烏當殂奈此雛幼誰携扶雄有女弟雛乃姑烏弱雛
幼孰與圖矢心保雛誓不夫念爾一線懸爾胡雛身長大
羽翼舒萬年珠樹榮復敷舊巢既葺安乃居烏知返哺良

足只觀風使者來公車會將君命旌爾問皇恩下逮孰敢
辜節義炳々絕代無豈無直筆如董狐大書特書不一書
婦道真足為範模風節願使比屋如畫返洗俗濟唐虞

送盧思敏歸天台

天台山高四萬八千丈神仙之徒往々窟宅乎其間我嘗
探竒恣々覽直上絕壁窮躋攀松風流水聲瑟瑟々桃花玉
洞春漫漫々曾逢兩仙人對奕猶未殘冉冉白髮長披耳千
二百歲如童顏手携綠玉杖劍佩黃金環見我拂衣起念
我行路難問我何送來延我落重閨授我長生訣餌我金
霞丹食松嚙栢飲沆瀣伐毛洗髓滌肺肝吁嗟凡骨不易
銳失身又復歸塵寰始知神仙終有術不可以遽學使我
夢寐至今夜々空與相往還盧郎天台人縛屋天台下午
少事遠遊仗劍歷中夏才華擅文藻富貴若土苴曳裾恥
王門望雲念親舍浩然欲歸餐即日具鞍馬上堂奉甘旨
再拜獻杯斝適此舞綵歡勝彼途路者父母見子歸喜氣
揚雙眉親戚饋壺漿鄰里將豚雞慰藉遠歸人老幼咸熙
熙但諳風俗淳不識亂與離因君重念山中好歸來已覺
翰君早泪没塵埃徒我慚憔悴形容漸枯槁今君往矣誠

難思殷勤為謝羣仙道明年二月春正繁期爾山中拾瑤
草

高山流水圖

山雲飄蕭山月涼谿風颯沓谿流長山水遺音秋滿耳似
與琴響參宮商若人領此山水勝謾託冰絃寄幽興天空
自覺響逾寂指落先與心相應音傳今古知者稀孰云舉
世惟鍾期仰天為爾一長嘯音兮琴兮知不知

題扇

鮫人夜織綃滿機并刀剪碎光陸離歸來斫斷珊瑚枝製
就明月初圓時南州辱暑醉如酒朝携暮携常在手從此
相親成狎友綬使分違應不久祝融峯頭重回首

牧牛圖

溪童飲牛渡溪水牛過水深行復止人知水深牛不行誰
識回頭顧其子桃林之野春雨晴燒痕回綠春草青太守
勸農當二月土膏肥暖牛可耕卽邾城頭征戰息寧戚徒
勞吟白石一聲笛裏太平歌牛背溪童自朝夕

從軍諷送王儀之

王卿有志當俊髦壯氣直與秋爭高讀書一日十行下落

筆矜兔先驚號才如羣府韞尺璧思若獨繭抽長縑長身
翫瘳瘦如鶴方瞳點漆明如膏始豐先生典抗校羅致門
下皆英豪卿年弱冠即相許老大喜與賢良遭執經問難
無少倦下視餘子空嗽、三年瀟興時大比文戰笑與千
人慶朱衣暗點誇敏捷大字揭榜魁時曹天庭策對聆聖
語辭若江漢流滔、魚龍變化在頃刻稽首拜舞趨神堯
瓊林錫宴集諸彥宮花壓帽紅玉嬌理司評事暫寄迹秋
官小宰爭見招牘書累積似山岳詞理曲直分牛毛片言
剖析不留滯解使昧、澁、合言萬口同一喙奉法平
允無貪饗只今伏劍成雲南丙向我醉索送軍謠軍中之
威既赫、軍中之樂仍陶、雕鞍玉轡誇驪衰黃金鎧甲
明繡袍燕塵萬里沙漠、邊風八月涼瀟、上馬斫賊下
馬撒臂鷹走犬田爲遨大旌小旆錦作隊戈矛在手弓在
腰睢盱詩云與子曰諳習虎畧兼龍韜雅歌投壺且容與
輕裘緩帶還飄飄引絃射虎昔李廣擲筆墮地今班超功
成他日獻天子印懸肘後當還朝姓名燁、注青史肯使
漢將專嫖姚

題山農畫梅

大庾嶺頭春信早十月梅開照晴昊曾騎官馬隴頭來百
里梅花夾馳道夫君元是嶺南人自言家近羅浮村種梅
遠屋一萬樹玉為肌骨冰為魂得官遠向西湖住喜與林
逋作賓王夢回酒醒霜月寒又見梅花在窗戶笑倩傍人
爲寫真相看如見嶺頭春一聲長笛月欲落腸斷梅花身
後身

溪山小隱和胡虛白韻

我聞神仙之國伐毛鯁洗髓遠在西海西邊蓬萊之弱水
我生有夢不可到彷彿君家畫圖裏溪流冷浸玻璃天層
巒疊嶂含雲烟渡頭楊柳綠如染洞口桃花紅欲然老夫
已借過眉杖來聽松泉弄幽響雲中雞犬知幾家胡麻已
熟雕胡掌此中此樂何紆餘赴隴無煩來鶴書便欲相從
學耕釣細和山聲同水調

送錢九成

酌君酒聽我歌人生百年能幾何會日苦少離別多君來
未久將遠他擢卽催發江之沱春草淒淒春水波為君起
舞毋蹉跎勸君更盡金巨羅君旦去我復歌

題畫梅

江高十月霜雪飄杖屨東郊復西郊酒酣不憚行路遙踏
遍第六西湖橋北風獵獵吹枯梢青天有鶴不可招逋仙
起舞來解嘲請君與我看此高堂素壁一幅之生綃

青山雲一圖

青山青、欲斷青山斷處雲如幔人家深住鳩東頭剛被
雲遮一半多山分雲兮宵莫分雞犬遥隔雲中聞有時隨
風或凌亂長日與山相吐吞城中車馬多如織沒馬紅塵
深幾尺只有富貴解留人直與雲山未曾識吁嗟山中人
夢憶雲中君卷舒隨所遣放浪由天真我昔西遊登五老
五老諸峰挿晴昊酒酣放歌謫仙句擬共雲松結巢好江
郎自是青雲姿按圖笑索雲山詩送來知爾出山去為雨
為霖當及時

題息齋竹次韻

憶昔舟泊湘江時青天皓月流素輝美人騎龍上天去遊
魂夜半招不歸興來一飲三百斛醉倒肯惜千金揮孤鸞
隨影秋水碧鷓鴣叫入蒼雲飛涼颺颺似鳴籟翠霧漠
漠如張幃胸中氣吐萬齒落筆底勢走千明璣颺車搖、
渺行許疑是拄頭丁令威風流雲散勢已遠蕭條遺墨人

間時眼前頰仰即千載底問誰亡復誰在
我來見畫如見人往事悠々付深慨掛之高堂素壁中
老氣凜々迴長風狂歌起舞還自惜笑看白日行青空

樹萱堂

趙家有母七十餘堂下樹萱堂上居住兒衣織雲五色看
花奉母還自娛花開歲々顏色好子母百年願終保忘憂
况復更宜男兒但少年母難老兒歡母喜不自知坐閱滄
海成塵飛蟠批寶倫幾度熟寸草心報三春暉何當登堂
酌君酒為君起舞為母壽更看冊書天上来旌表高年趙

家母

贈友生李孟博

李公子蕪城人自言少小離鄉井移家遠住浙水濱蕪城
舊事不復省徃々得向人間聞二十四橋久寂寞竹西歌
吹今不存御溝楊柳老無樹瑤花冷落隨風塵騎鶴樓高
誇壯麗珠簾畫棟連青雲東樓有明月西樓有佳春傾銀
注玉總豪貴歌兒舞女常紛紜吁嗟此樂竟何有竭來杭
郡肩儒紳方腫爛々漆豕黑挺々七尺頽然身昨日人中
一品見恍若野鶴隨雞羣手持一卷周公易妙理解識先

天六文辭象象貫胸臆六十四卦如通神明年獻賦叫閭
闔上有堯舜君下有堯舜臣要令四海八荒盡作堯舜民
我今投老在猷畝熙々皞々含哺鼓腹浩歌擊壤看爾健
若蒼隼橫秋旻

存誠齋

江郎文采誇俊良年來弱冠登傳庠髮如青絲面如玉眸
子點漆雙瞳方揮麾冉々雲錦爛脫口字々驪珠光齊君
遠在市橋側夜燈照誦聲琅琅眼中瀟灑無長物牙籤插
架書滿床存心朝夕在經史土苴富貴輕毫芒湛然君臺
淨如几操之則存舍則亡具理應事在存養沉潛涵泳宜
自強事君存忠事親孝立聲身早使聲名揚黃金白璧存
固好饑不可飽寒莫裳爾翁之存實方寸積善藹々存餘
芳致君堯舜付公等青雲萬里看翱翔

送願石樓還天台

濕雲壓樹飛不起鷓鴣晝啼春樹裏行人相呼正在途咫
尺妻兒隔江水江水咫尺間行人欲渡難心旌兩搖恨
不生羽翰去時離家秋七月說道歸時重九節只今桃李
已沒山尚爾悠々路行客信知行止非人能天時人事誠

難忘明年此日又何處寄語妻兒莫浪憎

贈蔣伯昂

我初識君時君年十二三逢人解長揖對酒能高談爾翁
七十清可掬骨格風丰姿邁流俗乃知寒水出冰藍田產
玉此物惟有君家獨有田可耕有書可讀子胡為奔走碌
十年重見杭之庠君才已覺非尋常樓居幾日白日靜一
榻之外空八荒筆力健走動山岳辭源浩瀚似瀟湘始信
人生愧不學必有術學之工夫奚有極明年秋桂發天
香煩君一吐錦繡腸梧桐高岡鳳凰朝陽非若奚所望老
夫老眼炯若鵠看爾雲漢大展長翮而翱翔

唐馬圖

開元天厩多良馬四十萬匹皆龍駒奚官牽出立仙仗箇
箇五花雲錦如許教芻粟官家給飼餼何曾敢相失花邊
柳下恣長鳴不比駑駘甘伏櫪太平天子無戰爭四海久
矣風塵清青絲絡頭黃為轡看花不出長安城世間豈無
千里足往々徒遭奴隸辱如何獨領鳳池春慎勿送人厭
羈束

風木軒為陳教授題

涼風吹庭樹枝葉不自寧
父母背諸孤孝養嗟不能
涼風吹庭樹枝葉不自寧
父母背諸孤孝養嗟不能
涼風吹庭樹枝葉不自寧
父母背諸孤孝養嗟不能
吹樹有時息父母一去無
回日入門惟見嘉樹存入
席悲號淚沾臆如今見樹
動兒思當年種德兒不知
會須種德如種樹培植相
承無已時

默虛

神仙中人不易得我造見
此洪都客飄飄浩氣吐凌
雲烟燮腫漆爭黑朝携出
共洪崖翁莫歸宿與浮丘
伯消息造化天無功解使
精神致魂魄杖藜走遍沃
州山鼓柝頻過雲夢澤囊
中神劍連青蛇百怪羣妖
受驅策問之不答亦不言
妙理茫茫付深然出語恐
遭天帝瑱只遺靈臺白虛
白有時一吐胸中竒寇錦
天葩句新摘有時笑鼓七
絃琴睥睨乾坤如甕窄瞿
塘灩澦若坦途太華匡廬
總玄宅更送曼倩覓仙壇
蟠桃要積如山核羯來別
我賦歸與翩翩又舉雲間
隔翮一杯酒盡出門去愁
過行雲慘無色我欲留君
不留明日千山萬山隔

宮梅圖

瓊樓夜寒銀漏溢滿地
霜華月光白翠禽啼斷
夢中魂窈窕虛窓碧紗
隔千門深鎖含章宮未
許人間識春色只愁

笛哀曲聲哀零落香鈿點粧額

贈友生王希仁

王即名榮字希仁自言家世錢塘人年終弱冠入郡學向
人把筆能屬文同門師友稍相愛謂我識字能與親中庸
大學熟背誦奚憚子曰兼詩云庭前老桂秋吐香清燈照
夜忘辛勤爾才俊逸自不羈况復師友吐傳珍胸中久韞
治安策上排閭闔當具陳攄忠不獨騁華藻上匡國政下
及民我憐高才日零替此道久屈何由伸眼中得爾良可
慰期爾早克觀國賓驢驢駟小千里鷗鵬鷗鷺恒青雲
也知有才必有用笑彼俗子徒紛紛子今年少正宜學莫
倚有才聽藐？要知吳下稱阿蒙三日不見驚非昨會須
青紫如拾芥塵俗何緣得相縛西河之曲爾屋好著我頻
過良不惡酒壺茗竈讀書床笑聽長歌動寥廓東鄰亦有
杏田翁日坐天光雲影中衡門日多長者轍慷慨頗慕前
人風涼颺曉動萬脩竹金井秋落雙梧桐此中真意殊未
識我當為爾琴書日？來相送

延月軒

今夕何夕天氣涼月光墜地明如霜開尊坐看湖上月對

月一飲三百觴清光爛熳入庭戶我亦醉歌成起舞影隨
明月、隨人、影相看作賓主恍疑寶鑑當天開風露寂
寂無纖埃浪言白兔搗靈藥知送何處來何來酒酣舉觴
問明月古今人看同皎潔却憶當年看月人百歲曾消幾
圓缺如何問月、不言山河倒影含蒼烟我醉欲眠月欲
落明朝載酒重相延

畫菜

涼風蕭瑟吹短鋤晚露的歷含明珠瀾瀾編翠錦隔晴旭一
笑青紫當何如老夫清晨向東圃為爾抱甕立斯須高樓

日、飲肥脆識得箇中滋味無於乎識得箇中滋味無

百馬圖

烏桓城頭春雨晴烏桓城下春草生百靈長養少畋獵牧
馬晚出烏桓城騰駝馳突各異態饑齒渴飲仍縱橫胡兒
獨誇好身手上馬捷若飛鷲輕青絲不鞞錦鞍卸什、伍
伍爭先行胡宮遙望拍手笑落日半照旌旗明憶昔開元
全盛日四十萬匹俱龍精驕驪駉總神物駿氣上貫房
垣星只今四海罷征戰含哺鼓腹歌昇平英雄用武已無
地一日底用千里程吁嗟伯樂倘一顧爾價頓使千金增

題畫

城中車馬多如雲林下相逢無一人
城中甲第十萬戶林下草堂空
四鄰胡為奔走上城市歸來兩袖飛黃塵
高堂素壁忽見畫使我頓覺清心神
何時此地一相就坐席井與漁樵分
借君清澗濯雙足借君松枝懸角巾
更須長揖謝軒冕相期歲晚終吾身

贈黃順

黃卿素積善美譽垂後昆讀書復讀禮
孝義敦一門阿翁作官走萬里錦綬銀章光
藎歸來尚喜身健在手采翩翮人莫比
佳兒辛苦能理家新業如今殊有加
諸孫蟄解奉養三世同居人莫誇
老夫清晨入官學黃生長揖禮端恪笑携
惡紙索題詩莫學紛之事輕薄

題楊文昭為劉敬思畫

我家茅屋滄江邊屋頭高樹雲相連
秋聲六月常在座彷彿兩耳聞鈞天
竭來城市住未久已覺塵埃滿衣袖
高堂素壁忽見畫風雨如聞龍怒吼
憶昔劉郎多好奇七尺長身玉雪姿
眼中為惜棟梁具笑倩楊昭圖畫之
楊生好畫亦成癖醉墨淋漓不停筆
遠山近水漫塗抹鐵幹虬枝儼

行立一時清致俱寂然惟餘此畫人間傳精神恍惚奪造化
意象慘澹含雲烟吁嗟二公不復見把玩令人竟忘倦
老夫白髮已如此往事悠悠淚如霰

贈友生潘大本

天目之山青蜿蜒恍若蒼龍彩鳳飛下寥廓之青天杭州
之城圍走一百里千雉萬雉綿亘相周旋長江一派海門
接直與蓬萊弱水相通連所潮莫汝歲復歲解送徐福背
時采藥之樓船左瞰更有西子湖南峰北峰蒼翠絕似小
李將軍新畫圖樓臺金碧總佛刹朱簾畫舫滿載黃金巨
羅白玉壺美人珠翠照水若明鏡水晶盤盛一丈銀白魚
荷花夏開錦不如醉眼詭識紅羅瑜蘇公作守時築堤橫
截過十里舊栽楊柳試問留得今幾株澹烟疎雨籠翡翠
人道天上笑舞仙姝湖山堂在六橋畔歌兒舞袖無時
無回看鳳山儼在眉睫裏知是宋室七代之故都金鐘千
石埋野草尚餘金井雙碧梧夫嗟嘆息鹿已走天見夜深
月黑啼妖狐山川秀氣漠然散祇有當代挺出儒中儒一
傾美酒千萬斛一日燈下萬卷書我時相見夜打戶倒屣
出迎不覺聲誼呼尋章摘句獵百代微辭奧理窮極太古

初胸中長虹貫萬丈劍氣上薄牛斗墟老夫走迹半天下
閱人多矣不意見此沒底青珊瑚比鄰蔣卽瘦如鶴錯比
丹穴產鳳雛要若曼倩經史飽足三多餘明時需賢如饑
渴豈容爾等鬱、書中居學優則仕、優學堪笑尸位素
餐洋、自得塵俗徒爾祖昔宰河陽縣種桃遺愛今於史
冊猶可見流傳到今、幾葉要繼芳躅使人多健美好將
治安萬言策大叫閭闔直上金鑾殿致君上邁堯與舜變
龍稷契當自銜雍熙泰和之治在公等坐令四海無爭戰
富貴無淫貧賤不移威武莫屈肯使古人名獨擅我歌

長句愧才短誰憐白髮如此棲、尚不能棄筆與硯期君
一日九遷十日九轉聲名赫、留著史傳

雪山竹房為王御史題

海天冥、同一色雪花墜地大如席大山屬員號長風片
片吹落淇園中淇園之中何所有琅玕箇、青龍葱琅玕
白雪而相敵萬籟無聲畫岑寂孤鸞獨鶴手可招玉龍翠
虬寒不蟄此時獨有高潔人愛此瀟灑來相親手携神仙
綠玉杖行隨玉樹歌陽春歲寒之節世莫識挺、長身抱
虛直會待金烏出賜谷環珮鏘鏗弄蒼玉始知不與雪俱

消要與人間洗塵俗

題畫

湘雨晴兮湘水深抱幽歌兮以笑以吟
蕭艾同翠兮荆棘是侵懷美人兮帶我心
江雲飄蕭兮江水綠波放舟中流兮以笑以歌
美人不來兮其奈爾何

南湖集卷之二終

南湖集卷之三

五言律詩

和唐愚士

詩名獨爾憐。歌罷思飄然。白壁連城重。明珠照乘圓。秋風歸客旆。夜雨上灘船。江草江花裏。軍疑在錦川。

梅花扇

香雪綴晴梅。東風暖未消。路經蘇小墓。船泊段家橋。瘦倚吟邊竹。寒低月下簫。逋仙杳何許。千古若為招。

宣城貢性之著

秋堂讀書圖

涼風起天末。秋思滿秋堂。綠樹團晴影。青燈夜生長。為誰懸榻下。留客淨琴張。矯首雲霄近。爭看一鶚翔。

過破衣庵訪阮子昌

行過河西曲。來尋小阮家。遠籬多種菊。十月未開花。遠樹含秋色。輕雲護晚霞。也須頻到此。隔屋酒堪賒。

題畫

題絕

憶昔山中住。山中足勝遊。雲連高樹暝。泉帶落花流。路轉人烟僻。樓開佛寺幽。披圖重遐想。我欲賦歸休。

窗戶碧玲瓏。看山面。通樹涵雲外。兩涼度水邊。風淪茗。嗔童懶。揮毫對客雄。笑談如著我也。入畫圖中。

題撫松軒

老向長松下。徘徊眺夕陽。雨聲隨杖屨。雲氣襲衣裳。慷慨懷丘壑。摩挲惜棟梁。自甘身偃蹇。不復夢明堂。

次韻寄方外友

日望歸。憶伊人。隔楚江。信憑天使問。愁伏頭。兵降淨社。虛禪榻。清才重帝邦。何時對明月。共倚竹間窗。

澹娛生

舉世誇浮靡。伊人澹自娛。夜懸聽雨榻。風落就床書。別墅
閑情似。金門大隱如。幾時須爾過。日與一停車。

題王師文半蓬春雪圖

雪借孤篷影。風迴一水香。繁枝橫處密。醉眼望邊長。不是
臨東閣。渾疑隔矮牆。扣舷吹鐵笛。驚起睡鴛鴦。

香是臨流得。詩曰倚棹成。岸移驚樹轉。牆礙覺枝橫。似隔
僧廬見。如緣閣道行。傍人歌斷處。踈影月三更。

七言律詩

題清隱卷

愛爾隱居清。且佳風致宛。若神仙家白石。新煮潤如玉。丹
火出林紅。似霞豈無大田種。嘉秋亦有別澗流。桃花飄零
江海未歸去。笑我蕭、雙鬢華。

題山澤

老去儒仙似鶴癯。歸來山澤足閑居。楠遠屋當年樹。圖
史堆床歷代書。藥圃荷鋤時自斲。酒瓢緣客不教虛。青山
滿眼連吳越。卧看晴雲日卷舒。

蓬軒

清絕一爾家。軒子小如船。屋上青山屋下泉。且可看雲長日坐。更

宜聽兩夜深眠也知身外原無地要比壺中別有天多少
高門歌舞地花開花落使人憐

林壑深秀為鄧宗經賦

芙蓉城郭自天成長日開軒看雨晴飛瀑晚翻千嶂雪鷺
濤秋湧萬松聲隻去鳥風中度一遊人畫裏行濟世
功成許歸隱肯教林壑負深盟

送葉南夫

君家盛事古今稀九十隻親七十冠四百人中同成由八
千里外獨歸時樽前舞袖花前酒畫裏闕山卷裏詩親故
爭傳看遠客不妨銀燭夜筵遲

越山清曉

曙光晴散越王臺萬壑千岩錦繡開歌枕僧鐘雲外落捲
簾漁唱鏡中來樹藏茅屋雞聲斷露濕松巢鶴夢回安得
畫圖分隙地移家仍任小蓬萊

送人之靖州送軍

十年書劍遠從軍萬里驅馳淨虜塵報國有身甘負戟思
親無日不沾巾馬嘶青海邊頭月人卧黃沙磧裏春看取
漠庭功策在安將圖像入麒麟

登越王臺和任一初韻

芙蓉城郭自天開。形勢盤回亦壯哉。風作鳴潮吹雨散，山如走馬渡江來。王圖霸業今何在，越寺吳宮莫漫哀。此日明年各何處，更須扶醉一登臺。

夜聞漁歌

一聲高徹一聲低，憑仗東風度水西。著意聽時腔轉細，斷人腸處思先迷。雁鷺何處沙邊渚，船泊前村月下溪。不道客愁，不醒要隨羌管入雲齊。

重過姑蘇有感

昔客蘓臺鬢未霜，不知塵世有悲傷。聯詩刻燭過三鼓，一月看花醉幾場。紅袖舞殘歌緩，錦箏彈罷雁行。重來底用嗟興廢，亦有咸陽與洛陽。

約遊山阻雨

春事無多苦未晴，數來花信過清明。都將酒債兼詩債，付與風聲共雨聲。燕落香泥沾紙重，蝶翻飛絮入簾輕。懷人久負南山約，縱有南山不可行。

清燕堂

江山深處畫堂深，朋宴曾聞屢盃簪。奕世衣冠惟望放，百

年桑梓尚喬林。珠簾捲兩聽春晝。寶鴨含烟散夕陰。我亦
有懷同笑語。圖書堆裏坐鳴琴。

寓毘陵旅邸

月光涼墮夜堂深。草、杯盤款、斟歡喜情懷無復舊。別
離時節又從今。坐消爐篆清烟細。聽徹壺籌玉漏沉。閑隴
抵緣頻作客。翻令兒女訝鄉音。

新燕

舊巢新補落花泥。長日多晴故、飛千里烏衣春夢遠。幾
家華屋主人非。茅簷低穩頻頻到。羅幕高張莫暫依。曾得
養雛成羽翼。西風湏爾一雙歸。

送別

江上船開起棹歌。離愁無奈故人何。桃花流水春三月。楊
柳東風雨一蓑。送別轉嗟形影獨。相思漫此夢魂多。到時
定有平淮策。勲業終歸馬伏波。

雲錦溪

東西岐路一橋分。南北人家兩岸村。賣酒帘懸屋角採
菱小艇繫籬根。不將姓字通朝市。只許詩書遺子孫。我亦
江湖倦遊客。卜鄰他日願從軍。

送林師文

白髮高堂七十稀。倚門朝夕候兒歸。燈前細說思家夢，身
上猶存去日衣。秋橘奉甘霜顆重，水魚入饌曉餐微。紫荆
花下籃輿穩，莫道人間萬事非。

梅花次韻

夢別羅浮知幾年。昔君圖畫思茫然。春回大地香生樹影
落，晴窓月在天。東閣有詩懷水部，孤山無酒酬逋仙。分明
記得相逢處，多是溪橋野水邊。

看水軒

溪上幽軒護石缸。兩餘偏愛碧涼涼。游魚出沒不多箇，白
鳥往來時一隻。對影直疑人照鏡，濯纓還許獨開窗。詩人
醉後償高卧，絕似孤蓬泊楚江。

臨清軒

面：開窓看瞰碧。波南風時送晚涼。多洞蕭吹徹聲如縷，釣
艇歸來小似梭。醉拍欄干春浩蕩，坐邀明月夜如何。莫嫌
此處八來往，愛聽滄浪孺子歌。

挽陳克仁

別時深念見時難。握手分違淚眼看。旅櫬有靈歸故里，游魂

無定繞長干。西風望斷雲連邊。雁夜月啼殘。鏡裏鬢最苦。
女渠携白髮。老懷令我重辛酸。

接曹孟圭

曲江新漲黃梅雨。裏客舫江上來。對酒背籬。今夕醉有
懷。能向幾人開。歌傳皓齒。香生席舞。按纖腰。月滿臺。縱是
金吾嚴禁夜也。須容我更遲回。

送徐彥中

旅思鄉愁不自降。短篷吹雨渡長江。陽關莫謾歌三疊。別
酒須傾玉一雙。隔岸紅塵迎去旆。倚門白髮候歸幢。到家
歡喜都忘倦。閑聽諸郎夜讀窓。

送施孟莊

萬里思親萬里心。見時何啻萬黃金。烏蠻日落千山暝。紫
邏雲生六月陰。叱撥穩馱夷女醉。猩紅新染毳袍深。江南
更有慈闈在。看取衣縫密針。

送陸景宣靖州從軍

蠻荒溪洞極邊頭。仗劍從軍憶壯遊。楊柳春風千部落。旌
旗曉日萬貔貅。路經彭蠡洲前過。江自巴州峽外流。早報
遠人歸聖化。貂蟬送古出兜鍪。

送王魯送軍

歎息儒冠早誤身，謾將書劍學從軍。
三千客路多依水，九點青山半入雲。
曉日旌旗明虎帳，春風鼓角動轅門。
倚閭望斷慈親眼，湘北湘南一夢魂。

寄題綠遶軒

聞說軒居暢雅懷，卧聽春雨自天來。
到門一水連環合，入座千峰罨畫開。
閑處有書消歲月，眼中無地著塵埃。
致身蕭爽何由得，吟寄新詩愧不才。

環翠軒

青山遶屋樹當門，濕霧晴嵐迥不分。
吟捲珠簾朝桂笏，坐邀明月夜開樽。
不將姓字通朝市，只許詩書遺子孫。
何日扁舟上於越，為君長揖謝塵氛。

梅花

惱人春思苦多端，萬萼千葩故一攢。
妬雪瓊瑤元自潔，趁風蝴蝶亂成團。
曾從和靖門前見，悞入仙娥月裏看。
莫道東風吹夢斷，綠雲無處載青鸞。

次景玉山韻寄周乘烟

倚遍闌干月色饒，美人何處自今宵。
雲將雨意驚秋早，雁

帶邊聲入座。遙爐裊青烟。香作篆。酒翻銀甕。玉為瓢。相期
早遂歸田計。兩鬢秋霜未易消。

題畫壁

何處江山似此佳。看君圖畫欲移家。沙邊洲渚潮渾沒。雲
裏樓臺樹半遮。叢桂漫歌招隱賦。種桃誰識避秦花。晚風
吹送歸舟急。一片征帆帶落霞。

咏吳山景

鷺翔鳳翥枕江流。秀奪江南第一州。螺髻巧盤雲外影。蛾
眉深鎖雨中愁。舞衣春試鴛鴦錦。歌扇晴翻翡翠樓。寶馬
香車遊冶子。賞心誰不為遲留。

西江艸堂

江水西來帶草堂。風流渾似百花莊。漁歌日送潮來往。庭
艸春隨樹短長。滿眼雲山新入畫。傳家袍笏舊堆床。娛親
更好兄兼弟。取次筵前舉壽觴。

次韻唐愚士留別之作

曾共秦川話未歸。詩情常在九龍池。上林花氣春風日。長
樂鐘聲夜雨時。美酒眼前拚却醉。空名身後不須垂。故鄉
朋舊無多在。君去如君更有誰。

讀史

自緣天運不尋常。勝敗兵家豈易量。三戶滅秦皆楚語。重瞳不渡殆天亡。怒來我亦坑降卒。事定人能殺假王。寄與英雄須入慮。莫教辜負魯連狂。

送人之任

別去十年總一見。到家兩月又南行。功名自是丈夫事。離合總關朋友情。蠻夷久矣歸王化。蜀道於今似砥平。蒞官政及春如海。瘴雨晴時花滿城。

喜魏仲房見過

江上柴門掩夕暉。客來到被鷓先知。出迎不較衣翻着。對飲寧辭琖倒垂。話到更深無斷處。起看月落幾多時。人生恨不如潮信。暮去朝還有定期。

樟亭送別

昨日渡江今日還。羨君行路不辭難。船頭白鳥波心浴。篷底青山兩裏看。對酒不須生別思。到家先為問親安。東歸擬借西窓榻。飽聽書聲坐夜闌。

宿遠公西墅房

客路緣江十里長。行來宿遠公房石田已。足今秋兩橘。

團新收昨夜霜樹裏柴門渾寂：人間塵土正茫：明朝
不忍輕為別如此相逢有幾場

具慶堂為趙大參賦

雙垂鶴髮喜高年紫誥泥金箇：圓官酒濃於仙掌露斑
衣帶得御爐烟板與帶生穩紆春老銀燭光晴照夜筵好似
瑤池會中客笑看桃熟到三千

送王僉憲考滿之京

十年三度喜乘驄孤兔曾聞穴屢空烏府簡書閑竟日繡
衣臺閣生生風春流穩載官航發曉日晴連驛騎紅聖至
端君念良弼早起金闕佐夔龍

栢府三年鐵作冠霜飛白簡畫生寒風雲喜逐羣龍集霄
漢爭看一鶚搏花底趨朝鳴玉佩柳邊行騎簇金鞍諸生
久藉甄陶力願得忠心一片丹

雪竹山房

此君節操獨凌寒冰雪叢中更耐看簾幕影迷金瑣碎珮
環聲動玉闌干只疑玄圃翻瓊樹錯訝瑤臺舞素寫白戟
幾時能着我萬竿深處一憑闌

題畫

白沙翠竹溪邊路，綠樹青山郭外村。
釣艇直隨流水出，僧鐘遙隔曉烟聞。
謾誇李愿君盤谷，絕勝龐公隱鹿門。
如此故鄉歸未得，看君圖畫一消魂。

送王布政三舍還鄉

楊柳江亭漲綠烟，美人獨上孝廉船。
到家正及黃花節，一路初經白雁天。
膝下彩衣朝獻壽，庭前銀燭夜開筵。
百年喬木應如舊，早報平安到客邊。

天光雲影軒

半畝芳塘近草堂，尋常雲影帶天光。
曉寒不覺研硃露，春暖惟聞洗藥香。
西海幾時裁弱水，東流何處接扶桑。
我來借榻觀秋水，坐納銀河夜氣涼。
池通活水繞虛堂，一片空明奪夜光。
風動輕搖芸葉亂，波澄微沁墨花香。
亦知身外浮天地，漫笑人間變海桑。
客睡無多清話久，不嫌零露襲衣涼。

送戴伯貞檢校還廣西

桂江烟水接瀟湘，逐客歸來道路長。
卷裏謾多新製作，筐中猶有舊衣裳。
逢人且說身如夢，老我相看鬢已霜。
此去莫教音問隔，雁飛今喜過衡陽。

題安節堂

高堂阿母早孀居白髮如絲志不渝歲時粢盛供祀事夜
深機杼先家奴院花只種忘憂艸庭樹容栖返哺烏好是
子孫能獻壽藹然重慶入新圖

次韻贈僧

文焰慈光幾許長汪襟度小沅湘烏藤拄杖扶來瘦絳
色轉輕袍製得方潮蒼梵音朝洶湧窗涵海日氣蒼涼騷人
釋子門多轍經卷詩囊積滿床

送趙文中

朔漠風塵已十年奉親無計得生還骨將魂魄依鄉土葬
八湖山有墓田報國謾多經世畧濟人久熟衛生篇贈君
此別歸何日春雨秋霜重惘然

梅月雙清圖

月到梅花分外明暗香疎影開雙清吟隨野鶴依瑤樹卧
聽飛鷺載玉笙酒醉不知霜滿屋書聲常共漏三更此中
意味無人識謾說仙家白玉京

過龍岡祠

龍岡樓觀新落成身世恍若居蓬瀛斗牛夜吐天外氣雞

犬畫度雲中。聲怒驅六甲。鬼神泣笑引。雙童環珮清。明年
我亦相尋去。坐對碧桃吹玉笙。

水竹軒

萬竹蕭蕭水遶門。九衢車馬自晨昏。晴天波影搖窗戶。靜
夜秋聲入夢魂。曾為故人頻下榻。每曰佳節屢開樽。百年
清致今猶昔。春雨深。長子孫。

送陸景文從戎

母在高堂子戍邊。去留殊使寸心懸。蒼梧山暝雲連樹。青
草湖春水拍天。報國底須慚負戟。倚門應悞候歸鞭。戎衣
早換萊衣著。忠孝看君得兩全。

城南耕隱

愛爾城南隱者居。春田遠屋總膏腴。兒孫候煖晨驅犢。燈
火分涼夜校書。入社有懷占樂歲。趨朝無夢候公車。相逢
自歎飄零久。投老歸來愧不如。

次萍居留別韻

且勿長亭折柳枝。離筵已判酒如池。因思會面難期處。直
使郇杯到醉時。檣燕留人雙上下。岸花迎客斗低垂。計程
明日毗陵道。吟寄新詩欲倩誰。

贈蕭山劉縣丞

野夫於世久無聞。出郭相逢父老論。何事一從君作縣。推
租不識吏敲門。夜燈機杼聲連屋。春雨桑麻綠編村。他日
循良應有傳。肯將名節讓劉昆。

兵後過諸暨

千里江山百戰餘。年來寸土入皇圖。人行共指西施宅。身
退誰歸范蠡湖。茅屋漸成新里社。居民元是舊流逋。絕憐
父老今無幾。欲問當時不受呼。

紙窻梅影

雪蘭涵虛爛若銀。眼明驚見一枝春。不愁清夜人吹笛。要
倩黃昏月寫真。真頗怪無根。生造化。絕勝照水弄精神。乍晴
乍雨頻來往。身外誰知別有身。

送徐汝林省親

此日思親念故鄉。青衫柳色映歸航。眼前兒女如君少。席
上賓朋笑我狂。歸夢苦嫌春夜短。江流不盡客愁長。到家
歡喜供甘旨。燈下杯盤取次將。

題村居圖

綠槿編籬水遠門。數家雞犬自成村。夢魂不到黃金闕。歲

月都消老瓦盆。土室夜寒勞紡績。沙田雨足趁耕耘。九樹
車馬多如織。懷抱何由得似君。

重過諸暨觀新漲

孤城寂寞枕江流。城上高樓起暮愁。帆影直過天側畔。漲
痕渾沒樹梢頭。魚龍變化應難測。桑海更遷莫謾憂。世事
天時總如此。寄身我亦一浮漚。

井南丹室

仙翁隱處存丹井。汲井鄰居復鍊丹。朱汞曉隨雲氣合。翠
烟晴掩月光寒。鬼知火候窺靈竈。虎作人形護藥闌。我亦
卜鄰送此老蓬萊。不隔海漫。

送鄒教諭之京

都道先生自此升。檄書催發上神京。遙知今日朝中彥。多
是當年館下生。紅樹驛樓秋色老。黃花城郭晚霜清。勸君
且盡尊前酒。回首雲霄幾萬程。

贈別鄉友芮公諱麟

老去親朋見面稀。見時無計得同歸。遊絲落絮都成恨。社
燕秋鴻各自飛。杜宇叫殘孤館夢。西風吹老故山薇。明年
春雨南湖漲。擬把長竿坐石磯。

有懷夏文度文表昆仲

珍簾生涼簇浪紋寶爐香煖散晴曛葛巾白苧消三伏
繭然烏絲寫八分文思湧追韓吏部詩才清逼鮑參軍
眼中年少多如許獨爾風流莫與羣

南湖集卷之三終

國家圖書館, NATIONAL CENTRAL LIBRARY, TAIWAN, R.O.C.

南湖集卷之四

五言排律

竹東軒

軒子出東邊，循籬一迳偏。
暝連蒼霧合，涼薄翠陰圓。
客借琴床月，童窺茗竈烟。
深惟憐密，靜或愛娟。
鎮日軒車絕，常時野趣便。
樹留春鳳宿，簾看夕螢穿。
繁處頻教洗，閑來不礙眠。
有懷送爾隱，於此樂餘年。

清江圖

宣城貢性之著



江驛背孤城江流遠舍清露枰松下奕驛騎柳邊行帆落
晴窗影鐘價兩寺聲堆床餘簡帙列坐總耆英燕語能留
客鷗馴解結盟詩郵趨堠吏衙鼓集閑兵薄俸樽仍滿新
知益屢傾不才翻自愧何以荅深情

題畫山水

山水裏南勝遊遨歲月遷登高頻折屐載月屢移船鏡水
荷花裏秦雲嶺樹邊猿偷霜果下鹿借石床眠野趣閑誰
適詩懷靜自便洞深通窈窕澗曲寫之玄采藥時逢虎看
棋或遇仙僧留題竹字鶴避茗茶烟棹經惟增愧移文只
浪傳種桃春萬樹別有武陵天

七言排律

雲溪州堂

溪上茅堂絕垢氛蕭、逕路帶江村晴雲接地深遮屋春
水牽船直到門鷗鷺忘機能自狎漁樵分席許頻論放懷
底用東山妓好客時傾北海樽要捲簾櫺通燕語喜藏書
帙聚香芸長竿拂石閑垂釣短杖穿花笑引孫碧樹雨來
含暝色白沙霜落露秋痕晨昏定省郎娘集閭里過從禮
義敦歌罷滄浪纓屢濯種來秋菊徑猶存風流也勝居韋

曲蕭散翻疑住陸渾只恐非熊勞入夢蒲輪晚歲故園恩
五言絕句

觀泉圖

此老鴛如絲徐行信所之誰知流水意都在倚欄時

題畫竹木

木葉已辭柯秋風日更多楚人腸易斷莫唱竹枝歌

墨梅

醉折東籬朶看如隔暮烟莫驚顏色改不是羲熙年

題畫白頭雙鳥

笑殺錦鴛鴦浮沉浴大江不如枝上鳥頭白也成雙

題畫

楊柳弄輕柔涼風落柁樓故人期不至尊酒共誰酬
浮世從他狎扁舟別樣寬醉眠都不管閑却釣魚竿

畫蘭

孤芳抱幽獨林下澹相娛多少春園樹花開總不如

題畫

偶抱瑤琴出雲山足賞心城中千萬戶豈是少知音
石瀨清水合黃山白戰廛道人禁得冷扶醉過溪橋

雀

野雀振凌翰，早枝立自閑。
莫愁風力緊，絕勝統干山。
荆棘半低垂，幽禽祇自悲。
可憐棲不穩，不似上林時。

隱居

柴門樹裏開，瀟灑絕塵埃。
俗客何曾到，閑雲自往來。

題畫

樓倚溪頭水，溪環竹外山。
扁舟垂釣者，相對白鷗閑。

畫梅

影逐雲邊月，香傳水際風。
幾回曾引鶴，來此獨支筇。

月下獨吟時，寒香暗襲衣。
直疑春信早，蝴蝶作團飛。

風雪破空圖

妻兒且息怒，風雪任漫漫。
袖有春風手，能溫天下寒。

櫻桃

枝壓垂垂重，紅圓顆顆勻。
漢庭當日宴，曾賜內家臣。

墨菊

陶令始休官，歸來酒量寬。
淡烟迷醉眼，不似舊時看。

海棠

袖卷羅衫翠，腮含酒暈紅。
只疑妃子醉，無力倚東風。

梨花

帶雨寒無色迎風雪有香紛紛愛紅紫誰復識何郎

大言絕句

題四景畫為王金憲作

春山烟雨

春陰
柳帶輕烟澹
花含宿雨深
魚樂新添晚
張鳥啼越覺

長夏雲林

雨過溪流交響樹涼暑氣全消不是謝公別墅定應杜老

西郊

湖山秋霽

第一江南風景四時湖上笙歌山鳥不驚儒服沙鷗慣識
鳴珂

江天暮雪

一色冰天上下半篷風雪西東占卜無煩太史徵書已兆
非熊

題畫扇

三間兩間茅屋五里十里松聲如此山中景色何時與我

同行

萬事從教計拙子金雞買身閑船尾都教載酒缸頭飽看
青山

鴨嘴灘連溪尾羊腸路轉山腰雲氣晴、雨、泉聲暮、

朝、

綠樹灣頭釣艇青山四裏人家前度劉郎去也莫教流出
桃花

雪

濕壓茶烟不起寒欺酒力潛消欲問孤山春信只愁踏碎

瓊瑤

南湖集卷之五

七言絕句一

墨梅

住近王家洗硯池
水肌刮被墨痕緇
分明記得曾相見
多是西窗月落時

東坡竹

玉堂罷直獨歸遲
墨將秋入硯池坐
到夜深清不寐
小窗涼影碧參差

宣城貢性之著

畫馬

天閑牽出許奚官飲罷春流未解鞍
記得曾陪仙仗立五雲深處隔花看

小景

綠垂楊柳舞依依紅壓桃花萬樹低
記得湖山堂上路玉人扶醉畫橋西

題楊少愚梅花便面九里山王斯文畫

新製齊紈似月圓
縠紋似水關嬋娟
回送九里山前過
折取梅花上采烟

題畫

山接天台路萬重
仙家樓閣杳難通
不知昨夜溪頭雨
流出桃花幾許紅

雁

曾記瀟湘泊晚船
雁聲不斷水連天
如今見畫渾如夢
落日平沙在目前

棄瓢

萬乘曾聞一羽輕
耻垂千古是虛名
靜中別有閑天地
肯信風飄歷歷聲

題菜

幾年夢斷八厨珍
老去偏於此味親
莫向世間容易說
也應未學灌園人

墨菊

柴桑生事日蕭然
解印歸來只自憐
醉眼不知秋色改
看花渾似隔輕烟

送別

桃花浪暖錦帆開
楊柳風輕燕子來
無限離情似江水
隨人直向鳳凰臺

綠陰垂釣

茅屋人家隔薜蘿
綠陰窻戶晚涼多
日長借得南風便
時送滄浪一曲歌

青山白雲

谷口溪頭路欲迷
樹涼不受晚風吹
分明記得曾遊處
不是匡廬定武夷

赤壁磯

漢江東下水微茫
怪石危磯古戰場
謾有坡仙重賦詠
至今形勝屬周郎

觀畫

滾、長江入窈冥越山無數隔江清一雙白鳥誰驚起衝
破蒼烟下別汀

題犬

深宮飽食恣狎狎卧毯眠瓊慣不驚却被捲簾人放出宜
男花下吠新晴

畫馬二首

竹耳風鬃夾鏡瞳滿身雲氣是真龍而今苦受人籠絡惆
悵曾收百戰功

駿馬驕嘶踏軟塵看花遊遍上林春王孫金彈休輕擲恐
悞高堂夢裏人

題竹

皇英倒騎蒼鳳尾白月半吐驪龍珠湘風楓、天在水翠
華不見空躊躇

美人環珮玉玲瓏騎得青鸞下碧空寂寞湘魂招不及鳳
簫聲斷月明中

九疑山頭天欲雨美人遙、隔湘浦自甘林下抱函貞不
與梅花續芳譜

珊瑚獻樹出海水鳳凰振羽鳴朝陽鈞天一夢十年隔風
雨令人空斷腸

湘雨涼生彩鳳翎半窓清影動秋聲何當截作參差管付
與伶倫奏九成

題梅

平生心事許誰知不是梅花不賦詩莫向西湖踏殘雪東
風多在向陽枝

斜月微明照粉牆老逋庭樹已荒涼今朝對畫如相見只
欠東風暗度香

雪晴何處領東風只有南枝信早通記得醉歸湖上夜淡
雲斜月粉墻東

淡月微雲雪未乾瓊樓高處倚闌看道人自是心如鐵更
比梅花耐得寒

畫馬

偃蹇龍駒不受羈貢來遠自渥洼西天閑立仗歸來晚猶
向東風振鬣嘶

墨梅

春到江南總不知東風消息在南枝多情明月能將影來

伴西窓客卧遲

題畫四景為談憲副賦

瀑掛晴川百丈長
樹涵新雨畫生涼
公餘獨領溪山勝
彷彿裴家綠野堂

面，窓虛瞰碧流
未涼先占一天秋
石渠迥與人間隔
半點紅塵得暫留

江上船開趁晚潮
雨花涼葉思瀟灑
共期黃鶴扶搖上
矯首青雲不可招

四窓不夜湛空虛
柳絮如雲可得如
幾度臨風披鶴氅
恍疑身在玉階除

題黃子久畫

此老風流世所知
詩中有畫畫中詩
晴窓笑看淋漓墨
贏得人呼作大痴

題畫梅送友人

折梅江上贈人行
此是東風第一程
從此不須憑驛使
看花直到豫章城

題畫

淋氣蒸人似酒醺
看花無語惜芳辰
雲廊月榭深如許
何

處春光最惱人

風來水面綠生波
雲淨山頭翠擁螺
白鳥驚飛背人去
一聲何處來菱歌

送人回黃山

望斷秋空白雁過
故人書問轉蹉跎
無端又與君相別
添得苦溪夢更多

畫 便面

嫦娥深住廣寒宮
不許人間信息通
秋來折盡娑婆桂
偷得寒香在月中

昨夜遙聞鐵笛哀
夢回疑是玉人來
誰將姑射仙家樹
移向嫦娥月裏栽

仙居圖

瓊館珠宮白日遲
石林瑤草路逶迤
何時我亦相尋去
借爾雲間一鶴騎

海上羣山似劍鋒
仙人樓觀爛青紅
蓬萊弱水三千里
彷彿何由得路通

送陳知州考滿之京

聞說陳侯有政聲
三年官况似冰清
今朝送別江頭水
江

草江花總是情

十八學士圖

聞說瀛洲尺五天會中賓客總成仙
分明一段風流夢猶向人間畫裏傳

題趙文敏公所書康節詩後

奎章閣下暮歸遲醉寫堯夫七字詩
流落人間看遺墨為君掩卷不勝悲

洞庭秋月圖

一天秋水浩無涯短葑蕭蕭泊暮槎
知是夜涼明月出解將雁影落平沙

題畫竹

青天空濶雨晴時么鳳亭、欲下遲
明月滿天秋似水珮環聲動碧參差

嫋、風前瘦不禁影橫秋水弄秋陰

傲雪凌霜揉散

作明時彩鳳音

鷓鴣啼斷水龍吟舟過湘江夜雨深
清思滿懷無著處却將墨沼寫秋陰

王孫筆底最風流愛寫瀟湘六月秋
惆悵帝魂招不返時

時飛夢落丹丘

題盧東牧雲山

濕霧晴嵐畫不分一溪流水碧
泫泫開門深鎖無人到只
許山君管白雲

風流爭解說盧郎墨瀉淋漓入醉鄉
雲白山青隨意寫一時不數米襄陽

題畫馬

駿氣驍騰不受羈貢時遠自渥西
花陰立仗歸來晚騎向
向天街自在嘶

題畫梅

王郎胸次亦清奇畫寫孤山雪後枝
老我江南無俗事為
渠日一賦新詩

奈爾年年早得春月香水影弄精神
東家縱有閒庭館俗
李麓桃總後塵

濕雲壓地雪花乾一日狂風十日寒
不管春光滿鄰屋却
從牆角借來看

美人別後動春思春到南枝總未知
記取灞橋明月夜忍
寒花下立多時

羅浮山下着青鞋踏雪曾看爛熳開好似人家茅屋底一
枝先占短牆來

曾向西湖踏月華水邊寒浸一枝斜潘郎宅裏重相見絕
勝河陽滿縣花

九里山前一萬栽年々先占百花開魏毫解奪天工巧勾
引春風畫裏來

却月觀前春似海凌風臺下雪成堆揚州水部無消息誰
賦新詩換酒杯

十月江南正苦寒花開如雪，成團如今老盡成平樹只

寫前身畫裏看

王即日寫梅花寫遍杭州百萬家向我題詩如索債詩
成贏得世人誇

陶靖節像

解印歸來尚黑頭風塵吹滿故園秋一生心事無人識剛
道逢迎愧督郵

林和靖像

琴鶴相隨信杖藜忍寒花下立多時月香水影清無際消
得先生七字詩

題畫蒲萄松鼠

猿似獼猴提似獐栗梢走遍又松梢紫葡萄使知滋味一日能來一百遭

野鼠公然不畏人立當高樹竟忘身世間嗜欲多如此寄語園丁莫浪嘆

釣魚圖

不將吉夢兆非熊不著羊裘大澤中買得小舟湖上釣一竿長日引清風

賀鑑湖頭秋水清越王臺上秋月明偶因把釣忘歸去不

是來沽隱士名

畫蓮

吳王宮殿水流香步屐廊深暑氣涼長日香風吹不斷藕花多處浴鴛鴦

萬顆明珠瀉翠盤一枝紅艷照清寒定非太華峰頭見只在湘妃鏡裏看

題畫

桃花紅綻斷橋邊楊柳垂陰散綠烟記得少年曾取醉玉人扶上總宜船

雨餘曉嶂雲猶濕
霜落秋林葉半空
不是畫船能載酒
一樽那得故人同

蠹：青山曲：溪
桃花春水欲晴時
匡山舊隱今猶在
投劾歸來好賦詩

一箇茅亭傍水安
松風蕭瑟畫生寒
大開窓戶無人到
羸得雲山面：看

玉樹瓊林照眼明
海天空濶寂無聲
若人懷抱渾如許
不讓梅花獨自清

暮春十絕

落花飛絮太顛狂
燕語鶯啼白日長
九十春光已如此
王孫莫惜醉為鄉

桃花落盡杏花殘
晚雨廉纖釀小寒
獨有海棠春睡足
須燒銀燭夜深看

柳絮隨風點客衣
杜鵑啼血喚人歸
從今日：拚沉醉酒
醒人間春已非

長日頻看燕引雛
燕雛飛處暮春初
流觴欲擬蘭亭會
修竹 久已無

英娃二八正嬌容
鬪艸尋花趁暖風
日暮歸來春困重
鞦韆

鞦韆在月明中

惜花公子愛春晴
駿馬嬌嘶晚出城
半醉歸來人共看
笑將金彈打流鶯

勝日名園看牡丹
羅幃繡幙護春寒
千金莫惜尊前酒
花信送今有幾番

蘇堤楊柳綠如烟
賸買樓船載管絃
如此風流如此樂
肯教辜負暮春天

白、紅、處、花
都將顏色鬧春華
只愁一夜風吹盡
早解金貂醉酒家

殘紅落盡綠初生
漸近清明積雨晴
午夢不知誰喚醒
鶯聲多在柳陰鳴

墨梅

處士門前爛熳開
如今香影久塵埃
多情尚有山頭月
半夜猶能送影來

昨夜西窓酒醒時
月將疎影弄參差
起來無處求顏色
煤麝生春在硯池

菜

葵青菘紫嫩生香
束就畦倉遠送將
幾日醉頭扶不起
正

思辛辣沃焦腸

題畫

瑟瑟松風生畫寒
大開窓戶借書
明時正爾求賢急
未許先生樂考槃

買臣負薪圖

負薪日已不辭勞
擔在肩頭斧在腰
十載歸來憐去婦
至今羞過覆盆橋

題畫花鳥

山禽自惜好毛衣
占斷東風第一枝
更喜琅玕新結實
側身偷眼立多時

霜葉如丹染未勻
錯刀新剪翠絢縕
白頭莫笑孤飛翼
不入喧啾百鳥羣

題畫

近水軒窓五月寒
相逢須放酒杯寬
城中亦有知音者
來借青山醉裏看

畫蘭

紛紛紅紫鬧芳春
受得天家雨露新
騎馬看花兼載酒
不知林下有幽人

林下佳人迥不常，倚風無語澹生香。
憑誰寫作靈均賦，為爾招魂到楚鄉。

雲山圖

鴨嘴灘頭燕尾分，西風吹老樹無根。
何人醉洒淋漓墨，半是青山半是雲。

青山如削白雲連，茅屋人家隔暮烟。
輸與山翁春睡穩，不知何處夢朝天。

木香蝶

花第春深次第芳，淡黃微白鬪新粧。
可憐蝴蝶無羣隊，獨

領東風過粉牆。

題畫

瀑流飛花散晴雪，落日照影香爐峰。
先生神遊八極表，天風環珮秋玲瓏。

多景樓連鐵甕城，壯遊猶記昔年曾。
江心遙見金山寺，風裏鐘聲塔外燈。

倦繡圖

髻雲修整淡凝脂，正是停針倦繡時。
半倚畫闌人去遠，不禁春困獨支頤。

畫雁

漠漠平沙帶淺流，斷蒲衰菀不禁秋。
南來已信無矰繳，宿食飛鳴各自由。

題梅

冰肌玉骨本清奇，栽向僧房分外宜。
昨夜月明初夢覺，起來重和老逋詩。

第六橋頭雪乍晴，杖藜曾引鶴同行。
詩成酒力都消盡，人與梅花一樣清。

美人家住第三橋，萬玉團香綴短梢。
一自別來魂夢隔，滿天明月夜聞簫。

尋春莫怪觸嚴寒，只有梅花識肺肝。
我亦當年種花者，也應同入畫圖看。

仙子凌寒下玉墀，妖紅黛綠不曾施。
誰知一段風流態，不為芬蘭佩楚姬。

曾記西湖雪霽時，東風先到向南枝。
如今老盡身如鶴，不是梅花不賦詩。

揚州水部有諸孫，東閣吟成思不羣。
明月滿天霜似雪，重來花底一消魂。

墨菊

曾過陶潛五柳庄。滿籬新菊弄輕黃。如今顏色都非舊。憔悴
麝烟中。別有香。

平生最愛王摩詰。雪裏芭蕉寄興長。堪笑世間塵俗眼。苦
將顏色辨驪黃。

題鑑湖夏景

鑑水微涵五月涼。荷花菱葉淨生香。酒船

頻來往。更

比當年賀老狂。

題畫翎毛白頭翁百舌

新紅嫩綠妬春深。好鳥飛來弄好音。不是惜花頭易白。白
頭偏有惜花心。

百舌

聽徹千聲與萬聲。掠花穿柳謾多情。可憐不及岐山鳳。立
向朝陽試一鳴。

題畫

瀑流千尺瀉晴湍。林木蕭蕭白晝寒。亦有城中好閑者。抱
琴來爲故人彈。

雨蒲煙艸接風湍。望入蒼梧九點寒。怪得歸帆如馬健。有

人樓上倚欄杆。

摺疊扇

出懷入袖總相宜，用舍行藏各有時。
不是漢宮秋信早，棄捐何得怨班姬。

蘭竹

林下幽姿孰與儔，紫莖綠葉弄輕柔。
翠華不及蒼梧晚，湘雨湘風總是愁。
翠鸞飛下尾毵，怪石蘄岩倚碧潭。
一路鷓鴣啼不斷，行人揮淚濕征衫。

寄友人

瘴雨蠻烟萬里餘，別來消息近何如。
誰憐白髮疎狂處，猶寫平安兩字書。

木蘭

好雨晴時晝景遲，暖風和日長。
辛夷深閨莫道無人到，粉蝶今朝也得知。

梨花

庭院深沉淑景長，一枝晴雪淡生香。
看春又過清明節，倚遍欄杆幾斷腸。

題畫

柳邊游騎水邊船
爭向西湖醉管絃
記得當年行樂處
大橋風景尚依然

林下軒窓六月寒
抱琴來此借山看
相逢莫問城中事
無那紅塵沒馬鞍

盤、石磴躡岩堯
似與秋空氣共豪
記得鳳凰亭子上
大開窓戶看晴濤

遠山近山白糝糊
凍合行人一箇無
輸與高樓歌舞處
有魚堪買酒堪呼

紅梅翠竹

仙子羅浮待宴來
笑扶殘醉下瑤階
東風不管雲鬟亂
吹折雙、翡翠

春衫輕薄剪紅綃
凌亂雲鬟壓步搖
莫遣東風吹酒醒
斷魂殘夢若為招

書所見

使者徵兵夜度關
南人無奈北風寒
將軍空受登壇拜
羞向燈前把劍看

送戎人還雲南

十載驅馳汗馬間
錦衣繡襖獨南還
明朝又向江頭別
客思鄉愁去住難

南湖集卷之五終



國家圖書館, NATIONAL CENTRAL LIBRARY, TAIWAN, R.O.C.

南湖集卷之六

七言絕句二

東山圖

烏帽青山晉謝安
魚尾紅粉卧東山
當時浪說桓司馬
那似風流傲世間

梅花雙鳥圖

茂陵帝子宴瑤池
翠管銀笙取次吹
玉母不來桃未熟
可憐雙鳥立多時

宣城貢性之著

雙禽自惜好毛衣相逐東風不暫離
立向芳枝花似錦武陵溪畔雨晴時

雲山圖

百折溪流路轉深濕雲低壓樹陰
山中底事如秦晉剛被漁郎說到今

閑身閑看白雲閑更愛青山懶出山
別起樓臺半空裏只教鐘鼓落人間

畫梅

誰畫梅花便索詩梅花應與我相知
要知一段和羹意須

待青、結子時

題竹

渭風湘雨晚蕭蕭賜斷佳人不可招
安得結成千歲實遲他丹鳳下青霄

翩、么鳳下晴空半入江雲半落風
憶昔瀟湘泊船處玉簫聲斷月明中

題畫

溪上危橋獨木樁杖藜欲過更遲遲
秋光何處堪消日付與山人一局碁

梅雀圖

春到羅浮第一枝
翠禽枝上立多時
數聲啼落參差月
腸斷佳人夢覺遲

梅仙圖

微雲纖月淡無輝
竹影花香亂襲衣
一片閒情無可託
高唐雲夢是耶非

墨蒲萄

酒醒西樓月欲斜
滿窗晴影走秋蛇
狂夫賸有相如渴
一滴涼州未許賒

雪月梅

老蟾墜影壓瓊瑤
寒勒梅花氣轉驕
大地春風一披拂
可憐不與雪俱消

子猷訪戴圖

浪說清狂晉七賢
懷人夜上剡溪船
當時若解神交意
贏得歸來爛醉眠

枯木竹石

霜風吹盡葉聲乾
羸得看山眼界寬
一夜秋聲無着處
明朝重為倚闌干

怪石聳峭崖谷深涼風蕭瑟蒼雪陰笑人何處解長佩湘
波澧水勞予心

題畫

顥氣澄之夜景遲有懷曾與共襟期好風涼月清如許正
在天心水面時

月明風靜夜如何船向三江七澤過涼影滿蓬成獨坐半
聽楚調半吳歌

柳風澹、月纖、江上風波半夜恬莫向船頭吹鐵笛九
淵深處有龍潛

桔槔

渴龍下飲九河枯脚底頰移日易晡樹尾烏鴉飛不斷能
教槁死一時蘇

畫馬

龍駒新浴出天池駿氣駭騰不受羈報道君王歸便殿許
教太僕被來騎

柯博出竹

丹丘遺老舊詞臣歷代圖書鑒賞頻閑却玉堂揮翰手墨
池染出鳳毛新

青山白雲圖

濕雲將雨樹低低，放棹歸來路欲迷。
昨夜桃花零落盡，莫教流出武陵溪。

倭扇

外番巧藝奪天工，筆底丹青智莫窮。
好是越裳供翡翠也，從中國被仁風。

觀奕圖

笑殺王郎底事癡，谷柯爛盡不曾知。
却拋塵世無窮樂，只博山中一局棋。

畫蘭

吳剛斫斷雲根石，不數珊瑚高百尺。
美人林下獨含愁，霹靂一聲山鬼泣。

過鑑湖

歸思開心路轉遙，打頭風急滯蘭橈。
夕陽江上秋無數，血點蜻蜓立翠苕。

南風吹斷採蓮歌，越女船開小似梭。
却恐紅粧不成態，背人偷照鑑湖波。

題畫

老夫自是山林客。愛看山林在畫圖。何處有山如此景也。
移茅屋此中居。

湖上軒窗傍水開。眼中無地著塵埃。日長莫怪無人到也。
有樓船載酒來。

九衢塵土沒征鞍。爭向朱門事往還。寄語山中隱居者如
何。消得許多閑。

十年塵土夢初醒。兩耳松風不厭聽。好似雲門山下路。若
耶溪水碧冷冷。

畫梅

九里山前舊識君。醉來筆底自春生。曾誇梅信春先得。今
日梅花是後身。

笑人一別已千年。暮雨朝雲思宿然。昨夜酒醒渾不寐。一
枝和月到窗前。

懷人無處託相思。貌得東風第一枝。却憶尋君霜月下。滿
身香影立多時。

曾記西湖雪霽時。春風消息在南枝。如今老盡咸平樹。都
寫閒情付補之。

風獵獵吹人倒。門外雪深三尺強。何事梅花偏耐冷。一

枝先向雪中芳

美人家在羅浮奪得東風第一籌
月影水香無限意
群花端合讓風流

朔風撲面凍雲垂
引鶴衝寒出郭遲
却憶西湖霜月下
美人相伴立多時

江城鍾鼓夜迢迢
霜月多情照寂寥
更有梅花是知己
小窗斜度兩三梳

摺疊扇

舒卷送人各有時
江南六月正相宜
世間聚散多如此
滿面炎涼莫自疑

題菜

西風吹動錦爛斑
曉起窺園露未乾
三日宿醒醒不得
正思風味到盤

雨過畦蔬綠漸勻
呼童小摘慰情親
箇中滋味如語得
不是尋常肉食人

題竹

美人別後不堪招
十載風流已寂寥
醉裏看詩仍看畫
渭風湘雨晚瀟瀟

紅梅

美人扶醉下瀛洲
雲佩霞裾不奈愁
折向瑤池獻王母
只消青鳥立梢頭

凍鳧

折葦踈々葉半枯
北風吹雪滿江湖
上林多少如雲樹
不借高枝立凍鳧
江天歲晚景淒々
雲脚低垂望欲迷
水鳥畏寒飛不起
黃蘆板上並頭棲

題畫

綠陰臺榭午風涼
翰徧山光與水光
獨有酒船何處客
清狂不讓賀知章

杖藜扶醉出城遲
童子攜琴款々隨
早信知音無處覓
黃金先合鑄鍾期

此生無夢到京華
到處溪山即是家
昨夜石橋新過雨
錯教劉阮認桃花

五侯門外馬如龍
曾向東華候曉鐘
不是蹇驢馱醉穩
抱琴隨處得逍容

石上三生夙有緣
十年重見葛洪川
分明一覺荒唐夢
浪

作人間畫裏傳

牧牛圖

郊原春草綠茸茸，牛背如舟卧牧童。
自是太平新氣象，錯將畫意屬良工。

慈竹萱花園

阿母晨梳鶴髮明，彩衣舞罷學啼嬰。
竹間更種忘憂草，也比兒心一寸萌。

桃花馬

千載蟠桃花正新，瑤池王母宴青春。
不知八駿歸來晚，紅

雨隨風落滿身

蹴鞠圖

塵世都如傀儡場，逢場作戲又何妨。
機關活處隨圓轉，浪子卽君濟楚娘。

題梅

梅花風韻世無雙，信花神合爾降。
怪得酒醒春滿屋，影將明月上虛窓。

莫怪臨風有所思，美人別去已多時。
段家橋下維舟處，卧看冰花影倒垂。

題畫

綠樹浮陰散夕暉
黃茅覆屋帶晴雲
日長獨領溪山勝
俗駕何曾許到門

馬足車輪盡日忙
夢魂不到水雲鄉
閑人自識閑邊趣
小簾疎簾坐晚涼

人間無處避鶯塵
盡說山間與水濱
如此好山兼好水
避鶯來此更無人

曾共東家看牡丹
玉人扶醉不知還
如何舊日風流夢
都付秋林遠岫間

竹軒

爾家種竹幾千竿
翠雨蕭蕭六月寒
我欲携琴兼載酒
扣門閑日借來看

題梅

萬玉團香綴短枝
月香水影弄參差
東風不是飄零早
要看青、結子時

鐵榦虬枝雪裏埋
月將微影送春來
晴風三日都消盡
合讓芳姿爛熳開

美人嗟苦減腰圍
瘦影玲竚不自支
只有梅花是知己
相

逢多在月來時

蘇小門前雪未乾
幾回乘興到孤山
如何一段調羹手
付與疎花冷蕊間

十年癡坐冷官氈
幾度看花雪後天
白水同心如此調
載將春色上歸船

萬里無雲月正高
翠禽啼斷酒初消
靈均自是非知己
不寫芳魂入楚騷

寒氣稜、雪作晴
看花獨自出郊行
北枝未吐南枝發
笑殺春光也世情

曾記西湖雪霽時
粉牆斜露兩三枝
不應漏泄春光早
都得風流讓補之

畫馬

奚官牽出莫歸遲
豐草甘泉御苑西
記得曉趨金殿直
百花深處聽嬌嘶

龍駒來自渥洼西
萬里長風八蹄報
道君王歸便殿
奚官牽過不教嘶

釣魚圖

溪樹蒼茫帶晚烟
溪流送上似登天
歸來釣得鱸魚美
只

博西窗一覺眠

枯木圖

湖石東頭太液西春風宮樹半高低王孫金彈多如雨不
著黃鸝一箇啼

翠蘿牽帳引絲長黃葉將風戰晚霜莫怨一枝棲未穩上
林春樹近昭陽

野棠秋晚實離、弱質柔條不自持莫遣西風吹葉盡山
禽欲下更相疑

贈袁士謙

門外青山自古今閑雲忽占最高岑今朝又復爲霖雨道
是無心却有心

白描海棠花

美人睡起不奈愁弄粉調朱只謾羞閑倚綠窻春晝靜雙
鸞飛上玉搔頭

簫史吹簫圖

天風吹落鳳凰聲人在青雲第幾層如此樓臺好仙景又
從簫史學飛昇

畫鱗

海浦天寒落晚潮
怒晴紅甲利
隻螯酒邊若得金盤薦也
續坡仙賦老饕

畫梅竹

十日嚴寒雪未乾
冰花一樹倚琅玕
從今賸取花前醉
次第春風看牡丹

題畫

擾、黃塵沒馬鞍
幾人消得此中閑
綠陰清晝深如水
飽看溪南雨後山

獨樹檣橋屋
獲茅白雲如水漫
山腰故人亦有幽棲志
載酒來尋不用招

雨晴雲氣白紛紛
亂出山腰似餽饋
樹裏軒窗涼似水
不妨留客共開尊

懶着麻鞋踏市塵
不騎官馬傍人門
畫船多載如湏酒
卧看青山起白雲

憶昔雲癡似米狂
風流文采不尋常
別來只與雲山隔
只隔雲山不可望

洞口桃花萬樹低
春光多在灞陵西
幽人自得尋芳興
驢背詩成路欲迷

題翠竹紅梅

美人燕罷酒初消
凌亂雲鬟壓步搖
莫遣翠禽啼夢斷
醒來無處託春嬌

題菜為高大使賦

大廚分錫太官羊
曾識而翁在廟堂
此日逢君江海上
已將滋味厭膏粱

畫猿

山樹懸得來爭訝
小如拳養成莫道

惱

殺園丁夜不眠

漂母圖

年事不虛丈夫窮
達古誰無題詩恨

不

寫登壇拜將圖

鳥

凝香暖未銷
無邊春意在晴梢
飛來青鳥

不

是瑤池舊種桃

枯木竹石

劍入南海斫斷水
底珊瑚枝蛟龍怒
挾風雨出滿

身鱗甲猶差池

題畫

飛瀑懸崖宿雨餘，青山如削白模糊。
紅塵冠蓋多如許，得似閑身入畫圖。

翠瑣瓊樓窈窕間，鶴群飛去不曾還。
畫船隔斷紅塵路，肯借閑人半日閑。

一江春水晚微茫，醉倚篷窗客思長。
忽聽簫韻雲外落，松風輕度鬢絲涼。

我愛風流賀季真，論交况是謫仙人。
鑑湖一曲新開宅，贏得樓船送酒頻。

梅

眼中誰識歲寒交，只有梅花伴寂寥。
明月滿天，似水酒醒聽徹玉人簫。

年深積得滿身苔，花好都從雪裏開。
笑道故園桃李樹，春來蝴蝶謾成堆。

戴春雨

江上雪晴春水生，江頭立馬看潮平。
江流不盡滔天意，却似與君離別情。

長江烟水接蓬萊，百尺風帆破浪開。
二月桃花春雨裏，候

人還向水邊來

題畫

雨蒲烟草接風湍綠漲平湖百畝寬却憶少年行樂處繞
城騎馬借花看

昭君出塞圖

馬上琵琶抱恨深塞原花貌漢宮心叮嚀使者回天報莫
說風霜妾不禁

楊妃午困圖

午夢如癡厭酒盃君王臨御未朝回當時 覺成千不

遣遊魂到馬嵬

題梅 士廉自遼陽還寫此以遺宗海俾予題焉

故人新自隴頭歸猶帶邊塵滿客衣別去十年無驛使西
湖風月是耶非

題畫翎毛

莫怪幽禽雪滿頭多情只爲海棠愁開元宮裏千株錦一
夕西風起碧秋

題蕭萬邦蒲萄

憶騎官馬過灤陽馬乳累、壓架香釀就瓊漿三百斛胡

姬當道喚人嘗

題唐學士

樓頭城鼓自更
酒醒何曾睡得成二十四聲今夜漏愁
聽得最分明

菊花

西山已屬寄奴家彭澤何心理縣衙歸到柴桑
老東
籬不是舊時花

錢舜舉洗馬圖

八駿風姿已絕倫清波一浴更精神想應黃屋東歸足汗
血曾沾遠道塵

雙竹圖

亭亭玉立鬪雙清絕似君家好弟兄記得
門承雨露天
風吹落珮環聲

題美人圖

離、珠樹隔秋烟望斷歸帆信杳然試問海山今夜月不
知何處照人圓

畫菜

翠釜生香泣玉脂金刀斫鱸送銀絲如今說着渾如夢只

合江鄉老灌畦

蘭亭

亭館蕭然盡日閑
茂林脩竹帶崇山
永和遺蹟今猶昔
都下先生指顧間

赤壁

醉坐船頭忘却歸
柳陰深處晚風微
山高月小秋無際
絕似坡仙赤壁磯

鑑湖

鑑曲雨晴秋水多
千年遺迹未消磨
直疑賀老風流在
亦有樓船載酒過

剡溪

朔風吹雪亂紛紛
此際懷人欲斲魂
不學王猷空返棹
直教蹋徑到柴門

較獵圖

黑河流繞李陵臺
胡使蕃王日往來
共說漢家天子盛
貢將騏驥敢凡材

太白像

沈香亭北醉揮毫
贏得詩成奪錦袍
腸斷蛾眉江上月
一

樽誰爲酬秋濤

湧金門見柳

湧金門外柳垂金三日不來成綠陰
折取一枝入城去使人知道已春深

題紅梅翠鳥圖與唐愚士聯句

萼綠枝頭翠羽鮮
春風早入艷陽天
幾回夢覺頻聽處
唐正是書聲欲斷邊貢

南湖集卷之六終